

# **Andijon davlat tibbiyot institutining jamoatchilik asosidagi Ma'naviyat va ma'rifat Kengashi**

## **NIZOMI**

### **I. Umumiy qoidalar**

Andijon davlat tibbiyot institutining jamoatchilik asosidagi Ma'naviyat va ma'rifat Kengashi (bundan buyon Kengash) institut professor-o'qituvchilari, xodimlari va ayniqsa, talaba-yoshlar o'rtasida milliy g'oya va milliy mafkuraga tayangan holda milliy va umumbashariy qadriyatlarga asoslangan demokratik tamoyillarni qaror toptirish orqali inson huquqlari va qadr-qimmatini ulug'lashga, jismonan sog'lom, aqlan etuk, dunyoqarashi teran va mustaqil fikrlovchi fuqarolarni kamol toptirishga yo'naltirilgan uzoq muddatli, keng ko'lamlil ma'naviy-ma'rifiy tarbiya dasturini amalga oshiradi.

Kengash O'zbekiston Respublikasining Konstitutsiyasi, qonunlari va ushbu Nizomga binoan faoliyat ko'rsatadi.

### **II. Kengashning maqsad va vazifalari**

Kengashning asosiy maqsadi – “Jaholatga qarshi ma'rifat” g'oyasiga tayangan holda o'zbek xalqining ongini va qalbini mustabid o'tmish asoratlari - ma'naviy mutelik va qo'rquv, mustaqil fikrsizlik, ko'r-ko'rona sajdabozlik, g'oyaviy muvozanatsizlik singari illatlardan forig' etish, hur tafakkur va erkin turmush tarziga xos ko'nikmalar bilan quvvatlantirish, ayni paytda ozodligimiz, taraqqiyotimizga tahdid soluvchi tashqi va ichki g'animlarning turli niqobdagi g'arazli niyatlaridan o'z vaqtida ogohlantirib va muhofaza etib, har bir fuqaroda o'z irodasiga, xalqining kuch-qudratiga, Vatanining yorqin kelajagiga komil ishonch, sobit imon tuyg'usini kamol toptirishdan iborat.

Peshqadam ziyolilarning tajribasi, bilimi, salohiyatiga tayangan holda institutning har bir a'zosining yurt tinchligi, el saodatiga hizmat qiladigan intilish, izlanish va tashabbuslarini qo'llab-quvvatlash orqali kuchli davlatdan kuchli jamiyat yaratish tamoyilini muntazam targ'ib va tashviq etishni uyushtirish, ro'yobga chiqarish Kengashning bosh vazifasidir.

**Kengash o'z faoliyatining samaradorligiga erishish uchun quyidagi vazifalarni amalga oshiradi:**

- insitutda ma'naviy-ruhiy muhitning ahvolini, ommaning kayfiyatini, intilishi va muddaolarini hisobga olgan holda ijobiy an'ana va tashabbuslarni qo'llab-quvvatlash, mavjud muammolarni, ularning ijtimoiy-siyosiy muhitga ta'sirini tahlil qilish, bartaraf etish choralarini hayotga tatbiq etish;

- ma'rifiy-targ'ibot ishlarining shaklan va mazmunan uyg'unligini, muntazamligini, haqqoniylikka asoslanishini ta'minlash, ya'ni, ma'ruza, suhbat, bahs-munozaralar, seminarlar va konferentsiyalar o'tkazish, ommaviy axborot vositalarida faol ishtirok etish yo'li bilan mamlakatda amalga oshirilayotgan siyosiy, iqtisodiy, ijtimoiy islohotlarning, qabul qilinayotgan farmonlar, qarorlar va qonunlarning mohiyatini institut professor-o'qituvchilari, xodimlari va talaba yoshlariga tezkorlik bilan etkazish va kundalik faoliyat dasturiga aylantirishga rahbarlik qilish;

- o'zbek xalqining ulug' mutafakkirlari, qutluq merosidan yoshlarimizning muntazam va to'laqonli bahramand bo'lishiga, ularning mana shunday ma'naviy muhitda kamol topishiga, islom dinining insonparvarlik falsafasi, buyuk g'oyalari yosh avlod yuragidan ham joy olishiga sharoit yaratish;

- mavjud vaziyatni, yaqin istiqbolimizning rivojlanish tamoyillarini, undagi salbiy holatlarning ijtimoiy sabablarini xolis o'rganadigan nodavlat, mustaqil tashkilotlar faoliyatini takomillashtirishga ko'maklashish va ularning imkoniyatlaridan foydalanish.

### **III. Kengash faoliyatining asosiy yo'nalishlari**

1. Professor-o'qituvchilar, xodimlar va talabalarning ma'naviy barkamolligiga erishish maqsadida:

- o'zbek xalqining boy tarixiy, ilmiy, falsafiy, madaniy va axloqiy merosiga, milliy o'zligini tanish orqali yuksalish yo'lini bosib o'tgan peshqadam davlatlarning tajribasiga tayangan holda milliy istiqloq g'oyalarini institut jamoasining ongi va qalbiga teran singdirish, mustaqillik mafkurasini umummillat mafkurasiga — g'oyaviy, ruhiy va ma'naviy kuch-qudrat manbaiga aylantirish;

- institut jamoasining ayniqsa, talaba-yoshlarning dunyo va mamlakat miqyosidagi siyosiy jarayonlarga mustaqil va ongli munosabatini shakllantirish, faol fuqarolik va fidoyi vatanparvarlik tuyg'usini kamol toptirish;

- Kadrlar tayyorlash Milliy dasturida ko'zda tutilgan asosiy maqsadlarni, Milliy dasturning har bir fuqaro, oila taqdiri, kelajagi bilan chambarchas bog'liqligini keng targ'ib etish, uning amalga oshirilishi ustidan jamoatchilik nazoratini ta'minlash, erishilgan yutuqlarni ommaga etkazish;

2. Milliy va dunyoviy tafakkurni uyg'unlashtirish yo'lida:

- jahon fani, madaniyati, ma'rifiy mamlakatlarning tajribasini targ'ib etish, jamiyatda ilg'or andozalarga intilishni rahbatlantirish orqali milliy fan va madaniyatining zamonaviy taraqqiyot cho'qqisiga ko'tarishga yordamlashish;

- O'zbekistonning tashqi va ichki siyosatda erishayotgan yutuqlarini, bu yutuqlarning bugun va kelajak uchun ahamiyatini anglatish orqali milliy iftixor tuyg'usini tarbiyalash.

3. Faol fuqarolik munosabatini rivojlantirishda:

- barcha ijtimoiy guruhlar va tabaqalarning huquqiy ongini yuksaltirish yo'li bilan O'zbekiston Respublikasi Konstitutsiyasiga, qonunlariga hurmat hissini tarbiyalash, ayni paytda o'zining fuqarolik huquqi va burchini chuqur anglagan holda yashashi, jamiyat hayotida faol ishtirok etishi va ishlashiga ko'maklashish;

- ijtimoiy adolat mezonlarining har qanday shaklda buzilishiga, o'tmishdan meros illatlar — poraxo'rlik, oshna-og'aynigarchilik, urug'chilik, mansabparastlik, ichkilikbozlik, giyohvandlik, axloqsizlikka, qonunbuzarliklarning barcha ko'rinishlariga qarshi institut jamoasining keskin va murosasiz munosabatini shakllantirish;

- institutda diniy mutaassiblik va aqidaparastlikning barcha ko'rinishlariga, yurtning tinchligi, osoyishtaligiga raxna soladigan, vatandoshlarimizning imon-e'tiqodi va ishonchiga putur etkazadigan har qanday g'oyalar, nazariyalar va tushunchalarga nisbatan ayovsiz kurashchanlik ruhi va vaziyatini yaratish;

- mamlakatda yashayotgan barcha millatlarning o'ziga xos jihatlari va mushtarak maqsadlarini hisobga olgan holda millatlararo o'zaro hurmat, totuvlik va g'amjihatlikni mustahkamlash;

- ekologik tarbiyani ijtimoiy-siyosiy, ma'naviy tarbiyaning uzviy va uyg'un tarkibiy qismi darajasiga ko'tarish.

#### **IV. Kengashining huquqlari**

Kengash institutda olib boriladigan ma'naviy-ma'rifiy targ'ibot-tashviqot ishlarining yo'nalishlarini belgilaydi hamda muvofiqlashtiradi.

#### **V. Kengashning tuzilishi**

1. Nizom bo'yicha Kengash tarkibiga quyidagilar kiradi:

Rektor (rais), Ma'naviy-ma'rifiy ishlar bo'yicha prorektor (rais o'rinbosari), "Ma'naviyat-ma'rifat" va iqtidorli yoshlar bilan ishlash bo'limi boshlig'i, axborot texnologiyalari markazi, axborot va texnik ta'minot bo'limi boshlig'i, axborot resurs markazi mudiri, talabalar turar joyi mudiri, fakultetlar dekanlarining ma'naviy-ma'rifiy ishlar bo'yicha o'rinbosarlari, xodimlar kasaba uyushmasi qo'mitasi raisi, talabalar kasaba uyushmasi qo'mitasi raisi, "Xotin-qizlar" qo'mitasi raisi, "Kamolot" YOIH BT etakchisi, "Tibbiyot gulshani" gazetasi bosh muharriri, murabbiylar kengashi raisi, ijtimoiy-gumanitar fanlar kafedrasini mudiri, tillar, pedagogika va psixologiya kafedrasini mudiri, rehabilitologiya va jismoniy tarbiya kafedrasini mudiri, "Yosh olimlar Kengashi" raisi, talabalar kengashi raisi, hamda barcha kafedralarning ma'naviy-ma'rifiy ishlar bo'yicha mas'ullari kiradilar.

#### **VI. Kengash boshqaruvi**

1. Andijon davlat tibbiyot instituti jamoatchilik asosidagi Ma'naviyat va ma'rifat Kengashining oliy organi Kengash yig'ilishidir. Kengash yig'ilishi 1 bir oyda 1 marotaba chaqiriladi. Shuningdek, Kengashning qarori yoki uning tarkibiga kiruvchi jamoat tashkilotlari talabi bilan muddatidan oldin ham chaqirilishi mumkin.

2. Jamoatchilik asosidagi Ma'naviyat va ma'rifat Kengashi:

- yig'ilishlar oraliq'ida institut miqyosida olib boriladigan ma'naviy, ma'rifiy, ijtimoiy, siyosiy yo'nalishlardagi targ'ibot-tashviqot ishlarini tashkil etadi;

- yillik, yarim yillik va qisqa muddatga mo'ljallangan dasturlar rejalarini belgilaydi, tasdiqlaydi va amalga oshirish choralarini ko'radi;

- ommaviy axborot vositalari bilan doimiy hamkorlikda ish olib boradi, maqsad va vazifalarning, o'tkazilayotgan tadbirlar, ilg'or tajribalarning teleko'rsatuvlar, radio eshittirishlar, gazeta va jurnallar orqali muntazam yoritib borilishiga erishadi.